



UGOVOR O OBAVLJANJU USLUGA NADZORA

Ovaj Ugovor je sklopljen dana 11.04.2022. godine u Mostaru između:

Agencije „Stari Grad“, M.Tita 170; 88 000 Mostar (u daljnjem tekstu „Naručitelj“) koju zastupa direktor Miralem Fajić, na jednoj strani

i Arhi Plus d.o.o. Mostar, Fra Franje Miličevića 21, Mostar 88000, Identifikacijski broj: 4227833190007 (u daljnjem tekstu „Izvođač“) koju zastupa direktor Suad Dugalić, na drugoj strani.

Nakon sprovedenog postupka javne nabavke – direktni sporazum, u skladu sa Zakonom o javnim nabavkama („Službeni glasnik BiH“ broj:39/14) za usluge (brojčana oznaka JRJN: 71520000-9) „Nadzor nad projektom održavanja fasada u Historijskom urbanom krajoliku Mostara“, Naručitelj je donio Odluku o izboru najpovoljnijeg ponuđača broj :I-19-212-4/22 od 11.04.2022.godine, te prihvatio izvođačevu ponudu za naprijed navedene usluge po cijeni od za ponuđenu cijenu od 1.521,00 KM sa PDV-om, (jednahiljadapetstotinadvadesetjedna i 00/100 KM) ukupno sa PDV-om (u daljnjem tekstu “ugovorna cijena”), strane su se dogovorile kako slijedi:

Član 1.

Ovim se ugovorom utvrđuju međusobna prava i obaveze između Naručitelja i Izvođača u obavljanju usluga preuzetih Ugovorom.

Član 2.

Predmet ugovora čine usluge „Nadzor nad projektom održavanja fasada u Historijskom urbanom krajoliku Mostara“.

Uslovi i način uređenja gradilišta, način i vođenje obavezne dokumentacije na gradilištu trebaju biti u skladu sa Uredbom Vlade Federacije o uređenju gradilišta, obaveznoj dokumentaciji na gradilištu i sudionicima u građenju („Službene novine FBiH“, broj: 48/2009).

Izvođač će usluge nadzora izvršiti do datuma okončanja radova po osnovu zaključenog ugovora o izvođenju radova dana 06.04.2022. godine između Naručitelja i Izvođača nad „Održavanje fasada u Historijskom urbanom krajoliku Mostara“ (brojčana oznaka: 71520000-9).



Član 3.

U provođenju nadzora Izvođač je dužan:

- a) provjeriti i utvrditi da li se radovi izvode u skladu sa Projektom Održavanja fasada u Historijskom urbanom krajoliku Mostara
- b) potvrditi urednost izvođenja radova potpisivanjem građevinskog dnevnika, kontrolisati građevinsku knjigu i sve eventualne promijenjive okolnosti u tehničkoj dokumentaciji.
- c) Nadzorni inženjer dužan je blagovremeno obavijestiti investitora, odnosno Naručitelja o svim manjkavostima, odnosno nepravilnostima koje uoči tokom građenja.

Član 4.

Za usluge iz člana 2 ovog Ugovora, a u skladu sa prihvaćenom ponudom, Naručitelj će putem Trezora Grada Mostara Izvođaču isplatiti iznos od 1.521,00 KM sa PDV-om, (jednahiljadapetstotinadvadesetjedna i 00/100 KM) ukupno sa PDV-om, a nakon završetka usluga i dostave potpisane dokumentacije, te ispostave računa, u roku ne dužem od 30.dana od dana podnošenja računa od strane Izvođača.

Naručitelj će platiti ugovornu cijenu ili druge iznose, koji dospijevaju za plaćanje na temelju odredbi ugovora u vrijeme i na način propisan ugovorom, na žiro račun Izvođača broj: 1860001071861082 kod Ziraat banke.

Član 5.

Naručitelj imenuje Gosp. Antu Šaina, dipl.ing.građ. kao Voditelja projekta, koji će djelovati u njegovo ime u svrhe ovog ugovora, obavljati kontrolu nad izvođenjem usluga i ostale poslove u okviru ugovora.

Izvođač imenuje Gosp. Suada Dugalića, dipl.ing.arh. kao svog ovlaštenog predstavnika, koji će djelovati u njegovo ime u svrhe ovog ugovora.

Član 6.

Ovaj ugovor stupa na snagu danom potpisa obje strane.

Agencija "Stari grad"
Grad Mostar
Hercegovačko-neretvanski
kanton/županija
Bosna i Hercegovina



Agency "Stari grad"
City of Mostar
Herzegovina-Neretva Canton
Bosnia and Herzegovina

Član 7.

Za slučaj spora po ovom Ugovoru nadležan je Sud u Mostaru.

Član 8.

Ovaj ugovor je sastavljen u 4 (četiri) istovjetna primjerka, od kojih svaka strana dobiva po 2 (dva) primjerka.

U potvrdu gore navedenog strane su potpisale ovaj dokument, čime je ugovor sukladno važećem zakonu sklopljen u Mostaru dana i godine naznačenih na početku ugovora.

U ime NARUČITELJA:
Agencija „Stari grad“

Direktor:

Miralem Fajić, dipl. pravnik

Broj: I-19-212-5/22

U ime IZVOĐAČA:
Arhi Plus d.o.o. Mostar

Direktor:

Suad Dugalić, dipl. ing. arh.

